

本草述鈎元卷二十八 鱗部 武進楊時泰貞願手輯

龍

龍鱗八十一具數九九陽之極也故為辰而司水鯉鱗三十

六具數六六陰之極也故變陽而化龍埤雅龍火得濕則燄

得水則燔以人火逐之即息故人之相火似之又

龍骨 出晉地及太山滄剡諸州山巖水岸土穴中龍化解

脫之處是蛻骨非死骨也麋鹿易角蟹易螯蛇易皮龍易骨

骨細文廣者雌骨粗文狹者雄五色具者上白黃者中純黑

者下

味甘平氣微寒陰中之陽入足厥陰少陽少陰兼入手少陰

厥陰陽明經 安魂魄固脫氣治夜卧自驚汗出止虛汗縮

小便療多寐洩精小便洩精久瀉休息痢收濕氣脫肛止消

渴鼻衄二便下血並主小兒熱氣驚癇女子崩中帶下諸本草

氣入丈夫腎臟中故益腎藥宜之雷公 龍為東方之神其

骨多治肝疾腎主骨故又益腎也士材 龍骨牡蠣黃丹皆能

收斂神氣以鎮驚無已 稟陽氣以生而伏於陰故為陰中之

陽其所主治皆收攝浮越固瀦精氣之功仲淳 同遠志等分

為末食後酒服日三治健忘 治吐衄九竅出血並用龍骨

末吹入鼻中有人衄血一斛眾方不止用此即斷 勞心夢

洩龍骨遠志等分為末煉蜜丸梧子大硃砂為衣每服三十

丸蓮子湯下 暖精益陽前方去硃砂每冷水空心下三十

丸 虛憊便濁滴地成霜蓮子肉乾藕節龍骨遠志 各一兩

枯礬靈砂 各一錢半 為細末糯米糊丸梧子大每服十五丸

食前白湯下

龍齒 味潛氣平涼 主安魂魄療驚癇諸瘕癩疾 魂遊

不定龍之變化似之魄止能守虎之專靜同之是故魄不寧

者定以虎睛魂飛揚者安以龍齒 龍骨入心腎腸胃龍齒

單入肝心故骨兼止瀉潛精之用齒惟鎮驚安魂魄而已 仲淳

同荆芥澤蘭丹皮蘇木人參牛膝紅花蒲黃當歸童便治

產後惡血撲心顛狂妄語切不可認作傷寒發狂治誤則殺

人同牛黃犀角鈎勾丹砂生地茯神琥珀金箔竹瀝天竺
黃蘇合香治大人小兒驚癇癩疾

論龍之變化最靈者純乎陽也而陽原本於陰故乘水則
神立失水則神廢且呵氣成雲既能變水又能變火者以水
中之陽出於陰而能肖之也夫天一生水而化形於腎腎主
骨人物皆然龍之徧體皆靈何獨取骨以爲用謂陰陽變化
之妙卽形歸神卽神徵形可以療陰陽乖離之病者惟骨爲
得先天眞一之氣也若齒則骨之餘耳所患諸證如陰之不
爲陽守驚悸狂癇謔
妄盜汗自汗陽之不爲陰固多寐洩精久泄便數齒
鼻衄便溺血淋濁崩帶

脫紅咸藉此爲關捩子而治以應證之劑所謂用靈物之形神

療陰陽之乖忤皆其以氣相感者也粗工但就瀉可固脫爲言不察甚矣

凡瀉痢腸澼及崩漏溺血等證皆血熱積滯爲患法當疎利不可便用止瀉惟久病虛脫者不忌神

辨治 凡使得脊腦作白地錦紋舐之着舌者佳 入藥水

飛過晒乾每斤用黑豆一斗蒸一伏時晒乾用否則着人腸胃晚年作熱也 齒治同骨或以酥炙

鮫鱉甲

形似鼃而短小又似鯉而有四足穿陵穴居一名穿山甲

殺之勿近隄岸恐血入土遂令滲漏永州凡油籠滲漏剝甲

卷二十一
龍骨
龍齒
三

裏肉屬投之自至漏處補住多能鄙事二說須合參

甲味辛鹹氣微寒有毒入足厥陰兼入手足陽明經 別錄

主五邪驚啼悲傷燒灰酒服日華治小兒驚邪婦人鬼魅悲泣及

疥癬痔漏網目除痰瘡寒熱風痺強直疼痛通經脉下乳汁

消癰腫排膿血通竅殺蟲 是物食蟻能治蟻瘦貞白能通

氣活血文清性善走能行瘀血通經絡故其消癰毒排膿血

下乳和傷發痘等用有效仲淳皮表甲冑如菱脊中介道如

鯉似獸穴居穿山越江乃介甲之有神者夫肺蟲曰介介者

肝之榮筋之餘此木秉金制金互木交是以勁毛堅甲專着

皮表皮表者肺之合也當入太陰肺厥陰肝以太陰為注經

之始厥陰爲環經之終故可出陰入陽穿經絡達臟腑抵病
舍之所在閉塞者瀉之滲漏者補之如利如泣如漏如崩此
滲漏之爲患也如痺如癱如瘦如乳汁不通此閉塞之爲患
也如五邪驚啼悲傷此屬肺俞化薄致金聲妄泄肝無乘制
致魂失奠安在形臟歸滲漏在五邪屬閉塞瀉之以補之補
之以瀉之有故而施者交互乘制兩無碍矣

之頤

凡風濕冷

痺之證因水濕所致渾身強直不能屈伸痛不可忍者於五
積散加穿山甲七片看痛在何處卽於鱖鯉身上取甲炮熟
同全蠍炒十一個葱薑水煎入無灰酒一匙熱服取汗避風
甚良 土炒同乳香沒藥降香紅麴山查通草童便治上部

內傷胸膈間疼痛 同當歸白芷銀花連翹紫地丁夏枯草
大力子乳香沒藥甘草貝母皂角刺治癰腫未潰資爲引導
得生地紫草生犀角治痘瘡毒盛不得起發色帶乾紅枯
燥者 風丹作癢穿山甲洗去腥毛上炒過存性每一兩入
甘草三錢爲末米飲調服 佐地榆治便毒 便毒便癰穿
山甲 半兩 猪苓 二錢 並用醋炙研末酒服二錢外以穿山甲
末和麻油輕粉塗之或只以土塗之 馬疔腫毒穿山甲燒
存性貝母等分爲末酒調服三四次乃用下藥利去惡物卽
愈 蟻瘦不愈穿山甲二七枚燒灰猪脂調敷 瘰癧潰壞
穿山甲土炒斑蝥熟艾等分爲末傅之外以烏柏葉貼上灸

四壯效

論 近以鯨鯉甲療風痺痰瘡通經下乳其用更專於瘡科
似於別錄日華所云驚邪悲傷之治無與此由粗識鯨鯉止
於通經脈專行散耳豈知驚邪悲傷固非通經脈專行散所
能治耶蓋驚始於心神受之次病於肺而善悲以肺固貫心
脈而行呼吸也前哲云悲傷先天元陽則魂消魂消則神亂
而眼見虛形或自悲哭其傷先天元陰者亦無故不時欲哭
夫元陽元陰受傷是物何以能治蓋其勁毛堅甲專着皮表
乃木秉金制金互木交之象皮者肺所合介者肝所榮肝固
藏血肺固統氣如木從乎金則血所不至者氣能帥血以至

之之頤所謂閉塞之能瀉也氣所能至者血卽隨氣以無不

至之之頤所謂滲漏之能補也本後天氣血以還其先天陰

陽而後可悟於驚邪悲傷之治矣

其療風痺痰瘧通經下乳實不徒以通利行散爲功

卽就瘡毒而言如便毒馬疔未潰者能利之蟻瘦瘰癧潰壞

者又能完之不可思其功乎至用時或炙或炮或燒或炒或

煎

未有生用者

各異其製以爲先導要本金木爲生成之終始

太陰

肺爲注經之始厥陰肝爲環經之終

故能徧治各臟腑之氣血如是耳夫人身

金從乎木則病木從乎金則治而生化轉神此義罕有能及

之者盧氏可謂識越前人矣 穿山性竄而行血風故痔漏

疥癬惡瘡燒末擦之諸風亦去須知血風不止虛生卽血滯

亦病於風以血滯則化熱也

繆氏言癰疽已潰不宜服痘瘡元氣不足不能起發者不宜用性專行散中病卽止不可過服

李仲南

辨治 尾鱗尖厚有三角用之力勝 或炮或燒或酥炙醋

炙童便炙或油煎土炒蛤粉炒各隨本方 如熱瘡不寒同

乾棗炒用下痢裏急同蛤粉炒用婦人陰癩沙炒痘瘡變黑

蛤粉炒腫毒初起入穀芒熱灰中炮便毒便癰醋炙癩癧潰

壞土炒耳內疼痛同土狗炒耳鳴耳聾蛤粉炒倒睫拳毛將

羊腎脂抹甲上炙隨各證各臟腑修製以類推之未有生用

者

蛤蚧

生嶺南山谷及城牆或大樹間身長四五寸背有細鱗如蠶

子土黃色尾與身等見人欲取之多自嚙斷其尾故用者須

有尾其力乃全 廣西橫州甚多牝牡相呼累日情洽乃交

相抱墮地人往捕之亦不知覺以手分劈雖死不開乃用熟

稿草細纏蒸過曝乾隻之此種專為房中藥其尋常捕者不

論雌雄但可為雜藥用海槎錄 雄為蛤皮籠口大身小尾籠

雌為蚧口尖身大尾小雷公 只含少許急奔百步不喘者真

李珣

味鹹氣平有小毒入手太陰足少陰經 主治久嗽肺勞傳

尸肺痿咯血定喘逆上氣通月經下石淋利水道止渴 補

肺虛勞嗽有功宗 補可去弱人參羊肉之屬蛤蚧之功庶

幾近之湖 定喘止嗽莫佳於此何大 氣液衰陰血竭者

宜之純劉 并治消渴取其滋補也湖 久嗽不愈肺積虛熱

成癰欬出膿血不止喉中氣塞胸膈噎痛用蛤蚧阿膠鹿角

膠生犀角羚羊角各二錢半河水三升銀石器內文火熬至

半升瀘汁時時仰卧細呷日一服宗

論 蛤蚧得金水之氣性味屬陰能補水之上源故肺腎皆

得所養而勞熱久欬之治自有專功試即雌雄相媾分劈不

開口含少許急奔不喘其精氣之凝聚完固至於如斯夫在

於人神凝則氣聚氣足則精完氣聚精完則咳血咯血於何
不除月經於何不通而且肺氣既完則通調水道以輸膀胱
又何淋瀝之不下而消渴之不愈耶但厥功最著於肺疾餘
證皆由治肺以及之者耳

欬嗽由風寒外邪者弗用

仲淳

修治 其毒在眼須去眼及甲上尾上腹上肉毛炙令黃色
弗傷其尾效在尾也

白花蛇

一名蘄蛇湖蜀皆有獨以蘄產擅名然亦不多得今市肆所
貨皆自江南興國諸山中來其蛇龍頭虎口黑質白花脇有

方勝紋二十四腹有念珠斑口有四長牙尾上有一佛指甲
長一二分腸形如連珠多在石楠藤上食其花葉惟出蘄地
者雖乾枯而眼光不陷他產則否如生舒蘄兩界者其目一
開一閉故人以此驗之湖瀕黔蜀之蛇雖有白花而類性不
同故入藥獨取蘄產又

肉味甘鹹氣溫有毒得酒良治中風濕痺不仁筋脉拘

急口面喎斜半身不遂骨節疼痛脚弱不能久立大風癘癰

瘰癧漏疾蛇性竄能引藥至於有風疾處而花蛇治風尤

速於諸蛇花蛇食石楠故能透骨搜風截驚定搐爲風痺

驚搐癩癬惡瘡要藥取其內走臟腑外徹皮膚無處不到也

湖瀕

同苦參何首烏威靈仙驚風胡麻天冬百部豨薟漆葉

刺蒺藜治癘風并徧身頑痺疥癬骨白花蛇膏雞治營衛不

和陽少陰多手足舉動不快白花蛇酒煮去皮骨瓦上焙取

肉一兩天麻狗脊各二兩為細末以銀盃盛無灰酒一升浸

之重湯煮稠如膏銀匙攪之入生薑汁半盃同熬勻瓶收每

服半匙頭好酒或白湯化服日二次神效 白花蛇散聖濟

治腦風頭痛時作時止及偏頭風白花蛇酒浸去皮骨天南

星漿水煮軟切炒各一兩石膏荆芥各二兩地骨皮二錢半

為末每服一錢茶下日三服 治癩白花蛇膏白花蛇五寸

酒浸去皮骨炙乾雄黃一兩水飛研勻以白蜜一斤杏仁一